

OMUKWETU

Registered at the General Post Office as a Newspaper

15c

ELES HO LOMBIBELI PEENDYA

Moshito Ovaswede ove shii nawa Ombibeli . Lwopeedula lunga 100 da ka pita, ova-kriste vomu Swede ova li va talika "oonakulesha kwashili", tashi ti: ngeenge va di- mbuka , ohava longifa efimbo lavo lokutulumukwa mokulesha Ombibeli. Pomafimbo aa onгахlo cya lunduluka. Ota pa monika okamwaalu kanini kovanhu, unene cvanyanyama- ulu ovo itava ulike nando eshiivo lasha kombinga yOmbibeli. Pomafimbo amwe ctashi dulika omunhu e na okupopya sha kombinga yoshiningwanima sha fimana shomOmbibeli. Oshiholelwa ongaashi oshiningwanima shCvaisrael tava tauluka efuta litilyana. O- munhu mokupopya oshiningwanima sha tya ngaha, ite shi popi shi li ngaashi shi li, ote shi pilike ndele tashi kala sha shihe shiivike nale. Novapwilikini itava udu ko nokuli oshc nakupopya a hala okutya.

Ei orghenda unene, shaashi melaka lOvaswede ngaashi momalaka amwe, ohamu holoka yo alushe oitya yOshiswede: shoovenevene noipopiwamayele nomayeletumbulo, haa di melaka olo la shangwa mOmbibeli. Ope na nee omukurrungu, wa etwa kepipi lopaife, eshi hava longifa oipopiwamayele nomayeletumbulo novehe na nande okashiivo kasha kombjnga yodjo yomipopyofano edi.

Paife eshi ashishe oshi na okulunduluka shaashi otapa ka ningwa onghendabala inai mcnika nale tai ka kwafela okuterheneka eevelise dcmOmbibeli di li ngaashi di li moipafi yomamiliyona Ovaswede poshuumbululwa nopouvalelo.

Konima yediladilo eli oku na oitwa ivali ya dilongwa mo nawa. Shotete Swede otaka mcra neude elundululo lipe lOmbibeli. Oshitvali, omanyolo aeshe co e li kolelela kCmbibeli nokwa nyolwa melaka loshinanena, oku na oku udika ko needjo dao odi na ckushiivika.

Okangudulongekidc konomenawina taka wilikwa komubisofi Sven Ingebrand, oka kala ke li pyakidila nokunwefa mo Cvaswede, ope va leshe vali Ombibeli ngaashi shito. Opo ve va nwefe mo nawa, ova diladila oku shi ninga pamikalo mbali. Mokushanga eevelishe dimwe domOmbibeli kombadayoutite vomashini nomckutalifa okino. Okino ei oya longekidwa kongeleka yaSweden nci na sha nondjokonona nosho yo noshikalimo shCmbibeli. Okino tuu ei otai ka ulikwa meefikola nomeengeleka, ngeenge otai hokwifa.

Tala kemandja 8

Ongongahangano yAakwaluther muuyuni pamwe noongeleka adhihe muuyuni ndhcka dhi li iilyo yongonga ndjika, odha kala tadhi landula nei-tulomo enene noneineekelo oshigongi shokuGeneva, shomu Switzerland shoka sha li shi na okutetekela etulomiilonga lyokatokolitho 435 kiigwanahangano, sha gongalele okuza eti 7-14 Januari 1981, omc-lwe-mangulukc lyaNamibia.

Oshigongi osha etitha ompito ya yela yehulithopo lyuutondwe no-kwaanombili hoka taku pangele esiku kehe muNamibia. Elalakanc lyoshigongi olya li okutula edhiladhilo lyiigwanahanganc miilonga opo ku monike etsokumwe lyopambili tali fala metulopo lycmatati, mehogololo lya manguluka nohugunina omemangulukc lyaNamibia. Edhiladhilo ndika olya li tali kwatha oongeleka dhomuNamibia, ndhcka dhi li iilyo yOngongahangano yoyene. Ongundu yligwanahangano ndjoka ya li nomukumc gwokugongaleka oshigongi, oya wilike oonkundathana nuunkulungu

Noluhodhi olunene, Ongongahangano oyi na okuzimina kutya oshigongi shika inashi sindana. Ompito yombili oya kanithwa, naashika otashi uvitha aantu nayi ayehe mboka ya yuulukwa ombili.

ONDJALULAMASIKU 1981 OKO YI LI NANTANGO KOSTOLAMAMBO KONIIPA TAYI GU NGAA 50c. NGELE YE KU PITILILE PO PALUFO NDUNO, NENA OKUTYA ITO KE YI MONA WE, SHILA OTO KA TAPA MUYA-GULWE. OMUNTU OU HOLE NGAA U NA SHOYE, OSHOKA EHANGA LYAA SHI LYOYE IHALI TATEKA.

Ongundu yimwe yopolotika, ko kutya epangelo lya SA, kaya li yi ilongekidha okushaina euvathano lyetulomiilonga nolyetulopo lyomatati lyokatokolitho 435. Ongundu ndjika nekoleko lyayo lycmatanga gaakwiita niikondjitho, otayi tsikile nepangelo lyayo., omolwoshigwana shoka sha halhala okuhulitha po okwaanombili. Ngashingeyi SA okwa katuka cnkatu yeinyolitho lyaa he li paveta lyaagundjuka aaNamibia mboka ye na oomvula dha konda 15, opo ya ye moshilonga shuukwiita wopashitopolwa. Nopwaa na omalimbililo shika otashi fala mekondjithathano lyomuntu namumwayina pamikalo cdhindji.

Ongongahangano yAakwaluther muuyuni oaty popile edhiladhilo lyoraata yoorgeleka dhomuNamibia lyomuJanuali nokutsikila nokugandja ekwatho lyawo lya gwara koonkambadhala kehe, opo ku monike shoka tashi kutha po uupyakadhi mevi ndika lya lulumikwa.

Aantu oyendji yopethimbo lyaJesus oya li yu uvite kc nawa lela shcka ckusa ondjala nokusa enota taku ti, shi vulithe paantu oyendji yopethimbo lyetu. Pethimbo ndiyaka ondjambi yomulongi miilonga yesiku, oya li yi thike poosenda hetatu adhi-ke. Nuumaliwa u thike mpoka, kape na ngoka a vulu okukongela aanegumbo lye renye ye mwene iikulya ya gwana, opo andc a lye a kuta. Shila aayamba AYEKE. Aantu oyendji oya li haa ningi ashike "kamakelakakasa". Pamahokololo gaakulupe, opwa li wc ethimbo lya tya ngaaka moshilongc shetu, uuna aantu ya ningi ashike "Kamakelakakasa".

Omeya ogo nduno ge ke shi etele. Ohaga kala ga pumba nocnkondo muPalestina. Aantu oyendji, unene aayerdinandjila oya fuklalekwa nawa kenota, oshoka oshilongo osha nika unene ombuga nolwindji ohaku kala iikungulu yombepo ondhigu yuupyu mbcka hau konkoleke enota lyomuntu. Octatekulu mboka ya li ye erde oondjila oonde kolupadhi okuya kiilonga kuushimba nenge cku ka tapa ekangc, ohaa hokolola nawa uululu wencta nonkene omuntu ha kala shili a yuulukwa nocnkondc adhihe okunwa omeya omatalala.

Omuwa Jesus ota popi ondjala nenota lyuuyuki . Ondjala yiikulya nenota lyomeya oyu uvitike kwaayehe. Ihe ondjala nenota lyuuyuki otashi ti naanaa shike? Muuyuni mtuka waantu oyendji oyo kaa shi we uululu wokusa ondjala nencta lyuuyuki mpoka u thike, mclwashoka oye na aluhe iikulya romeya ga gwana, iitya mbika yaJesus otayi ti shike naana kutse?

Mpaka ope na eshongo lyaJesus ta shongc aalongwa ye. Mpanc cpe na epulolombwelo tali ti, ne amuhe ndi shi, omwa hala uwanawa? Amuhe omwa hala nomwa yuulukwa ombili nuuyuki monkalathano. Ihe iinima mbika omwe yi hala nomwe yi yuulukwa nondjuulukwe yi thike peni? Oyi thike tuu pwaandjoka yomusindjala

a hala iikulya noyomusinota a yuulukwa omeya? Moshilongc shika shetu, tse atuhe naaleli yetu, ondjuulukwe nehalo lyetu o kuuyulukwa nokuhala uwanawa, tashi ti ombili nuuyuki, oyi thike naanaa peni? Olyo epulo lyaJesus kutse pahapu ndhika. Otatu lalakanene uwanawa waantu ayehe mevi lyetu nenge cwetu ashike yene?

Nenge ano pamwe otwa kwatwa kwaashoka Roberty Louis Stevenson te shi tihana, "uuvu wokwaahala" okuninga po sha, opo ombili nuuyuki, uwanawa auhe mboka twa hala moshilongo shika shetu u monike? Mpcka pe na ehalo, ope na aluhe ondjila. Ando okwa li aantu ayhe muuyuni mtuka no moshilongo wo shika shetu ya hala shili nokuhalela uwanawa, ombili nuuyuki shi vulithe piinima ayihe yilwe, ando elunduluko enene tali opalele ayehe otal ya mbala.

Mboka ya hala shili noya yuulukwa uwanawa auhe, ombili nuuyuki nomokati ketu wo, oyo mboka Jesus te ya ithana aane lagc note ya uvanekele cku ka kutithwa. Otashi vulika ondjala nenota lyawo, ondjuulukwe yawo yi kale inaayi yamukulwa mbala, "omcluuvu wokwaanehalo" waamtoka yena oonkondc dhomatokolo. Ihe Jesus , pahapu ndhika, ote ya uvanekele kutya ondjuulukwe yawo nokuhala kwawo uwanawa,

VALI MOKALINDELI

Pamadiladilo mcipafi, a li a pewa ongudu yokukonakona omadiladilo mape yomcngerki Onghwaluther, ovasoomi ve dulife petata, otava popile ediladilo lokushuna Osoondaxa yovapaani, yelondc nOsoondaxa onhivali yEnyumuko mokalindeli.

Eepersenda 62 domconakupulwa, otadi popile Csoondaxa yelondc i tulwe mckalindeli ponhele yayo yoshito, ofimbo eepersenda 58 da hala Csoondaxa yelondc nosoondaxa onhivali yenyumukc rado di shune vali mcklaindeli ponhele yadc yoshito. Eepersenda 13 otadi kondjifa ediladilo lokulundulula cmafiku aeshe atatu. Vamwe inava holola cmadiladilo avo mcshinima eshi-

Eepersenda 49 cda hala cmafiku oo efudc a kale ngaashi shite neto- mhelo eli kutya nonandc nee eevili doilonga odo tadi kana cmafiku aa eesoondaxa, nadi kale tadi futilwa po efimbo lonhumba.

Okudja 1973, muFinland inamu danwa eesondaxa adishe odc nhatu da turbulwa metetekelo. Oda kala ashike da tulwa pOmalaomakaya oc e li popepi nomafiku aa. Eshi osha li sha tokolwa koshoongalele ngeleka pamapopilo cmahangano ovanailonga. Okomitiye yopedu yoshongalele shovabishofi oya li ya pulwa koshoongalele ngeleka i ninge ashishe osho tashi dulika, opo cmafiku aa omafudc a tulwe vali mokalindeli ngaashi shito. Paife okomitiye ei, oya hovela nokuli oshilonga shayo.

OMUTOPATOPI TA PUMBIWA

Ehala lyomutopatopilela ndyoka lya kala mombelewa yOshinyanya- ngidho sha ELOK kOniipa inali udhithwa natango.

Ngoka wa pyokola nawa oshilonga shokutopatopa nou shi Oshiwambo, nando omalaka giidhumo to pumbwa wo okukala u shi ko sha, ninga e- indilo kombelewa ndjika.

Ondjukithi: ELOC PRESS
Oshako 2013 Oniipa, Onda-
ngwa 9000.

Elesho lOmbibeli peendya

Da dja kep. /

Enenediladilo moshilonga eshi ashishe, olo eli kutya ongeleka oi na okukwafela ovanhu va mcne cngushu yOmbibeli. Ongeleka oi na yo ckukala yu udite kutya Ombibeli oi na okuleshwa kovanhu vahapu ve dulife pwaava have i lesa shito. Onghendabala ei nge nge oya piti, Ovaswede vamwe o otava ka lesa nokuli evelishe dimwe lwotete monghlamweryo yav poitafula yavo yokuumbulila.

Onyama yeyoka kaku na we

Mu Hongkong, okatutuntu haka pangelwa kAaingilisa ke li popepi noshilongo shaKii-na, onyama yombwa oyo iikulya yomandengu nohayi lika tuu shili. Mupyamunere nuu-mvo epangelo lyoshilongo clya keelela onyama yombwa yi liwe, omcluuvu wendambi mboka wa taandela mokati koombwa dhomo-shilongo. Onkke onyama yeyoka ngashingeyi oyo rduno kamana kandengo notayi pulwa noonkondo kwaayehe shi vulithe shito.

Aakalimc yomu Hongkong, kakele kAaingingilisa naatiligane yalwe, oyo unene Aakiina mboka ya za moshitopolwa sha-Kanton. Kokuza koralenale hono, aantu mbaka oya kala ye na eitaalo kutya okulya onyama yombwa noyeyoka ohashi gweditele omuntu uupyu wa gwana nawa mclutu pethimbo lyuutalala wokufu. Ano ngashingeyi shc onyama yombwa itaayi liwa we conakuyikola otaa mbombolokele ihe kookefe cdhindji dhomu Hongkong moka hamu telekwa oonyama dhcmayoka.

Shika otashi ti omayoka ogendjigendji oge na okurtesitelwa taga zi kiilongo yilwe yaAsia lyokuurtugantu nokuKiina lyo lyene, oyo onyama yagwc yi gwanene aantu. Omahalithimayoka gumwe ota tengeneke kutya mckifu huka otaku pumtiwa ku mbesitelwe omayoka ge thike pocmiliyona ne-eindjipalo lyocpelesenda 30 okuyeleka nokufu kwa zi ko.

Uuvu wendambi owa konekwa lwotangc muKotoba gwa zi ko sho ckamatyona kamwe ka faalelwa kugwo konima yokulika kombwa yendambi. Mbalambala epangelo lya Hongkong clya pata cnyama yombwa yaa ha liwe we moshitopolwa shcka. Sige compaka aantu 22 oya ka likola ocmbeke omoluuvu wendambi. Huginina epato lyonyama yombwa lya tya ngaaka olya taandela sige lya manake moshitopolwa ashibe

shoka sha gama kocngamba dhaKii-na moka mwa kala shito cmaalaka gonyama yombwa. Oondohctola yii-namweryo otaa dhiladhila kutya endambi olye etwa kocmbwa dhocnckloki ndhoka hadhi ya mc tadhi zi kuKiina kudho dhene-Onkee aakwane-pangelo yomu Hongkong cya yile kuKanton ya ka kundathane nepangelo lyoshitopolwa shcka, oyo oongamba dhi tonatelwe shili kwaze we iinamwenyo tayi iyeta ngaa-ka.

Okupatwa huka kwonyama yombwa, okwe ende aalandithi yadh'o nayi niipindi yawo okufu huka konyala oya thikama thilu. Ihe aahalithi yomayoka otaa yolele ashike keta-yegc. Ondando yonyama yeyoka oya londc pombanda noopersenda dhi vule 30 ckufu kwonuumvo. Onyama yuudhigu wetata lyokilo ngashingeyi otayi gu okandumba kcodclar dhoshi Hongkong 60, tashi ti R9,00 lwaampoka.

Omulyo gwonyama yeyoka aniwa nge u shi ngaa gwaandjoka yondjuhwa. Ope na nee "aakengeli yomayoka" mboka ye shi nawa oku yi teleka noyo haa landitha nokutturina kockefe adhihe dhcmoshilando.

Oshinima oshitoyeleh noshi na ondilo ya dhinga keyoka, osho cnyangc ndjoka ya simana nocnkonde ongcmuti gwokupanga uugclwe. Onyama yeyoka aniwa ctashi vulika yi liwe ombihu nenge yi yawe ashike moraviinu goshiKiina. Onyangc yeyoka ekuluntu otayi gu R286 lwaampoka.

AACC ya mona hamushanga

Oraata yeengeleka dcmuAfrica alishe, oya kala ihe na hamushanga oule weedula nhatu. Paife cya mona omusita Maxime V. Rafransoa. Okwa hovela oilonga momafiku 5 Januari 1981. Peembelewa da AACC muNairobi shaKenya.

Omusita Rafransoa metumwalaka laye lomudo mupe ko AACC okwa popya ta ti: "Odula ipe oyo efilonghenda la dja kOmwene. Kalunga okwe tu pa vali ouwa wefilonghenda laye. Ombili yOmwene oyo ya udifwa pefimto laKrisimesa nai kale nanye moule wodula ei (1981). Ombili nai kale yo pamwe novakwapata veni, opo tu dule okuwanifa oshilonga shinene sha tulwa komesho yetu: okulongekida oshocngalele shoraata yeengeleka dcmuAfrica alishe (AACC), pamwe neengeleka odo di li oilyo yoraata ei. Mokuhovela etumwalaka eli, nandi mu leshele muJoh. 1:1-5; 9-14".

Omusita Rafransoa okwa twikila ko vali ta ti: Mokulandula ouyelele waJesus Kristus, ohatu dulu ckuhovela odula ipe cyo fye twe lineekela kutya otai ka kala odula yeshitululo noyelinekelo melinyengo alishe lopakriste".

Omusita Rafransoa okwa xulifa etumwalaka laye lomudo mupe ta ti: "Pehovelo lodula apa, natu djaleni olupe lOmwene Jesus nomuAfrica pefimbo lopaife".

OMUBISOFI TUTU A WINA ONDJABI

Omubisofi Desmond Tutu, hamushanga wCraata yeengeleka dcmu South Africa, okwa wina ondjabi i fike pedola \$100,000. Oimaliwa ei ote ke i pewa muJuni neudc.

Efatululo ctali ti omubisofi Tutu otaka pewa ondjabi ei molwewiliko laye clo tali kwafele cunyu-ni mokukondjifa OKATONGOTONGO nomolumukumo waye wokupula oufike pamwe nombili pokati kovalitijane ncvalaule vomu-South Africa.

Ondjabi ei oya ufwa mckufimana omona wa Aristolte Onasis Alexander, oo a fya mcdula 1973, eshi odila omo a li ya monena oshiponga momhepo. Aristolte okwa li omulumentu omuyamba womuGriekeland.

Omubisofi Tutu okwa kala a kufwa "opasport" yaye kepa-ngelo la SA, okudja muMaalitsa 1980. Paife okwe i pewa vali.

ONYAMA YEYOKA Dha za kopardja eti

Gumwe gwomaakengeli mbaka aalandithi yomayoka okwa popi ta ti: "Nuumvo iipindi yetu oya kwathelwa nawa kuumbanda wokutila uvu wendambi. Otu na lela aaitedhululi (aali yomayoka) aape cyendji mboka ya kala shito aali yoombwa noyendji yomuyo oyu uvitile iihono mbika ombili"

Molwaasho Aakiina omumvo kehe chaye gu lukile oshinamwenyo shonturba, aalandithi yonyama yombwa oye na etegamenc ewanawa kutya iipindi yawo otayi ka enda nawa momumvo tagu ya kutya iipindi 1982, "omumvo gwocmbwa". "SHITUNDA NOHEDI SHILONGO NOMUKA-LO GWA SHO"

Kaku na oshinima shi na okaheka sha fa iikolitha. Iikolitha otayi heke omuntu mokumakela mc kashona nakashona, si-go omuntu wa ningi onkolwe yoyene yene. Momaalyenge ngaka omadhigu giikolitha ihamu ziwa nupu. Shoka oshiwana-wa noshi na ekwatho, okukala cwala ihoc makele mc nandcnandc. Oshoka mckumakela mo oto mcnc mo uutoye, e to hokwa mc.

Ngame mwene onzapo moshinima muka. Tanguotango onda li ihandi nu nandc osha hashi kolitha. Ookuume kandje ngele taa ka shinga, ngame ohe kutha owala Orbimbeli yandje nenge embo limwe e te lesa. Onda kala wo handi uvithile coyakwetu ochapu dhaKalunga nuulaadhi, ihe ethimbo edhigu osho lya adha ndje.

Onda tameke ckunwa iikolitha kashona nakashona, ihe ohaluka onda tameke ihe ckunwa nda fa te nu omeya. Ethimbo lyckuya kengeleka nenge lyokulesha Orbimbeli yandje kanda li we ndi li na. Shika osha li omupya kungame, oshoka onda kanitha cshindji shopambejo.

Omupya omukwawo ogwa adha ishewe. Onda kala he kongo uukadhona nohau zimine ndje, ihe ohau henge ndje wo mbala omolwuunkolwe wandje. Konima onda hokana nduno. Uurkolwe cwa tsikile nokulongitha ndje. Ethimbo ndika edhigu osho ngaa lya piti po, e tandi ningi omuntu gwokolela. Ngashingeyi otandi hambelele Kalunga shc a mangulula ndje ngeyi.

Kaamwatate muKristus Jesus mboka mu li natango mmaalyenge ngano omadhigu giikolitha, ethimbo lyokumanguluka mc cpo li li natango, manga iilalo yomalyenge ngaka inayi tsa kesipa. Ngaka wa hala okuza mc, indila Jesus, ote ku kwatha, oshoka iha nyekusha.

Andreas Mbonjo

EINDILO KANANGE SHEFA

Aanangeshefa aasimanekwa otandi mu indile nesimaneko mu uvekc eindilo lyandje, omolwoshigwana sheni shoka mwa pewa kCmwa okuyakula oshigwana.

Ongame gurwe gwomaalongi yoomcngeshefa nondi li omukwanezime gwomunangefa ihe cndi na uudhigu omolwayakwetu aakiintu mboka ye ya ckukonga iilonga ihe oya talwa kcoyene yoositola ongaa lumentu.

Oto adha aakiintu yamwe ye li momategelelo, ihe otaa tumbu coshako dhcapungu, osuuka nocsamende ihe cto adha omunangeshefa, omutekulu, omwana nenge gurwe ngaa gwomezimo lye ya kultu mba ashike kolupundi ya tega aathigona ya mane.

Omwedhi sho tagu ka sa aaheluli yoolo li oye li ashike R40,00 nenge R45,00, omanga omwana, nenge omutekulu gwomunangeshefa ye li kccranda R100,00 sigo R120,00.

(Taku tsikilwa)

OKAMATI KA TOTA PO ESHINA

Omugundjuka omunongononi Omuza mbia okwa tseyitha kutya ye okwa ninga po eshina lyokutalitha oombapila dhomakonakono gaa longwa.

Francisco Chilundo, 20, okwa ti eshina lye, computer No. 3, olyo alike eshina lyoludhi ndoka muuyuni auhe.

Francisco oye omunasikola e li momatrika. Okwa ulike nale nokuli li uunongo we wopaunongononi manga e li moskola yaanona sho a ningi uushina wolusheno wi ili nowi ili, mwa kwatelwa okashina kokulondodha aantu oshiponga shomufuthi nokashina koku ninga oomboloto.

Elalakano lyokashina haka okape pahapu dha Francisco olyo okulundulula omukalo gwokupula omapululo omafupi ogendji gi ili no gi ili mekonakono lyoshilongwa shimwe nokuhulitha omukalo gwokunyola omayamukulo gomapululo po mbapila yekonakono noshikaha.

Francisco okwa ti: "Nokashina ha ka, aalongwa otaa ka vula ashike okutula omayamukulo gawo mokash na nambalambala oshinima oshapwa, nena omulongi ota thindi ashike ombandi, opo a mone iitsa mpoka yi thike.

Omumati Francisco Chilundo, okwa hala okugandja okashina ke koshikondo shElongo nOmithigulu-

gululwakalo shaZambia, shi ka konakone nokwiinekela otaka ka taambwa ko kepangelo lyoshilongo.

AANELAGO

Dha za kep. 3

ombili nuuyuuki, onayi ka yamukulwa ngaa esiku limwe. PaJesus, oshiponga oshinene cshili mokwaanehalo nomokwaalakanena uuwanawa waayehe. Ihe elagc enene oli li mokuhala nomckuyuulukwa mbika ayihe nomwenyo aguhe. Omuntu otashi vulika a kalle omusama mokwiimba, ihe ngele okuhole okwiimba noondjimbo, nena shcka otashi kala sha tseyika kwaayehe ye mu shi, na unene kOmuwa mwene ngoka te ke mu pa esiku limwe ewi ewanawa lyo opala lya fa lye.

Onkee ne yomoshilongc shetu, mboka mwa yuulukwa shili komwenyo aguhe ombili nuuyuuki, tsikileni ashike okwiigidhila Omuwa gweni oondjulukwe dheni nomahalo geni. Inamu teka omukumo, Omuwa oku mu wete, nopethimbo lye, ota ka manapo ondjala renota lyeni sho mwa yuulukwa uuwanawa ombili nuuyuuki nomcshilongo shika shetu wo. A M E N.

M. I. AMADHILA

OMUKWETU

Oye oshifo shOngeleka Onkwaevaangeli paLuther yomOwambokavango.

Ohashi nyanyangidhwa mOshinyanyangidho shOngeleka, ELOK, mOniipa.

Omukuluntu gweshifo omumbisofi K. Dumeni.

Ondando yOmukwetu R2-60 komumvo muAfrica
Kombanda yomafuta R5-00. Omambestelo natumwe kOmukwetu.

Ev. Luth. Owambokavango Church Press
Private Bag 2013 Ondangwa 9000